

1900~1911

中国近现代教育资料汇编

第一百册

海豚出版社

1900~1911



中国近代教育资料汇编

第一百册

海豚出版社

图书在版编目 (CIP) 数据

中国近现代教育资料汇编 : 1900~1911 / 庄俞等编. — 北京 : 海豚出版社, 2015. 9

ISBN 978-7-5110-2688-0

I. ①中… II. ①庄… III. ①教育史—资料—汇编—中国—1900~1911 IV. ①G529.5

中国版本图书馆CIP数据核字(2015)第164136号

书 名: 中国近现代教育资料汇编 (1900~1911)

编 者: 庄俞、蒋维乔等

总发行人: 俞晓群

责任编辑: 李忠孝 陈三霞 李宏声 邹媛 孙时然

责任印制: 王瑞松

出 版: 海豚出版社有限责任公司

网 址: <http://www.dolphin-books.com.cn>

地 址: 北京市西城区百万庄大街24号

邮 编: 100037

电 话: 010-68997480 (销售) 010-68998879 (总编室)

传 真: 010-68998879

印 刷: 虎彩印艺股份有限公司

经 销: 北京人天书店有限公司

开 本: 16开 (710毫米×1000毫米)

印 张: 3805

字 数: 25200千

版 次: 2015年10月第1版 2015年10月第1次印刷

标准书号: ISBN 978-7-5110-2688-0

定 价: 84000.00元 (全套140册)

ISBN 978-7-5110-2688-0



版权所有 侵权必究

目 录

历史类

中国历史教科书 享

中国历史教科书 利

中国历史教科书 贞

中國歷史教科書

享

第十六節 匈奴與漢之關係及其南北概況

冒頓并二十六國（卽西域諸國）諸引弓之民合爲一家乃與漢約爲兄弟妻漢翁主（翁主諸王之女冒頓方強爲書漢曰太后許嫁漢太后深自謙遜以謝之并遣以車二乘馬二駟遂和親以翁主女爲公主嫁之）孝文時冒頓死子稽粥立號曰老上單于老上亦妻漢翁主老上欲襲胡俗爲漢俗以中行說說（漢宦者降匈奴）不果孝文後四年老上死子軍臣單于立復尙翁主自冒頓至軍臣三世皆與漢時戰時和親不常漢歲奉匈奴絮繒酒食各有數而關市於邊是爲匈奴最盛之時軍臣中葉後孝武繼興大伐匈奴和親遂絕而匈奴衰矣軍臣死其弟左谷蠡王伊稚斜自立爲單于自伊稚斜以後漢兵深入窮追數十年匈奴極苦之自單于以下常有和親計宣帝本始三年漢約西域擊匈奴匈奴由是衰耗諸國羈屬者皆瓦解自是匈奴內亂五單于爭立呼揭車犂烏藉屠耆皆敗呼韓邪遂居單于庭

然衆裁數萬人其後屠耆從弟休旬王自立爲閼振單于在西邊呼韓邪兄左賢王呼屠吾斯亦自立爲郅支骨都侯單于在東邊後二年閼振東擊郅支郅支與戰殺之并其兵遂進攻呼韓邪呼韓邪敗走郅支都單于庭呼韓邪之敗也從左伊秩皆計別衆南近塞遣子右賢王銖婁渠堂入侍郅支聞之亦遣子右大將駒于利受入侍時甘露元年也郅支單于尋自引其衆西與康居并力攻烏孫既至爲漢都護甘延壽陳湯所襲殺而呼韓邪大懼入朝自此匈奴全境爲漢屬國焉王莽秉政時西域諸國多叛漢通匈奴烏孫留單于乃謀叛漢莽於是分匈奴地有十五國（呼韓邪有十五子）欲招誘單于諸子立之立數人一爲孝單于一爲順單于烏孫留聞之大怒曰先單于受漢宣帝恩不可負也今天子非宣帝子孫何以得立建國三年乃大入爲寇於是北邊復爲墟矣烏孫留死呼韓邪子咸立爲烏累若鞮單于卽莽所拜爲孝單于者於是復與漢和親而寇盜如故莽乃改匈奴曰恭奴單

于曰善于烏累貪莽金幣曲聽之而寇盜仍如故天鳳五年烏累死弟呼都而尸立與莽有隙北邊由是敗壞更始二年漢遣使授單于漢舊制璽綬單于曰匈奴本與漢兄弟匈奴中亂孝宣皇帝輔立呼韓邪單于故稱臣以尊漢今漢亦大亂爲王莽所篡匈奴亦出兵擊莽空其邊境令天下騷動思漢莽卒以敗而漢復興亦我功也當復尊我終持不決建武中入寇尤深建武二十二年呼都而尸死子烏達鞬侯立爲蒲奴立單于蒲奴立二年八部大人共議立呼韓邪孫比爲呼韓邪單于款五原塞願永爲藩蔽扞禦北虜光武許之於是匈奴分爲南北南匈奴事漢北匈奴時叛時服然皆微矣南匈奴既降漢徙居於西河美稷（今山西汾陽縣西北）漢爲設中郎將副校尉擁護之設有府從事并騎兵二千弛刑徒五百人衛護單于歲給費一億九十餘萬自後以爲常單于亦遣韓氏骨都侯屯北地右賢王屯朔方單于骨都侯屯五原呼衍骨都侯屯雲中郎氏骨都侯屯定襄左南將軍屯

雁門栗藉骨都侯屯代郡皆領部衆爲郡縣偵羅耳目於是匈奴之衆遂與
 漢族雜居歷明章而後匈奴北庭衰亂南部之單于南屠何將并北庭賢太
 后許之和帝永元元年以賢憲伐北匈奴戰於稽落山大破之斬名王以下
 萬三千級永元五年屯屠何死單于宜弟安國立以右谷蠡王師子爲左賢
 王國人不附而愛師子安國患之與新降胡同謀殺師子事覺漢將問之安
 國夜聞漢軍至大驚棄其輜而去因舉兵欲誅師子安國舅骨都侯喜等懼
 并誅共格殺安國而立師子爲單于時永元六年也至是新降胡不自安十
 五部二十餘萬人皆反脅立前單于屯屠何子逢侯爲單于重同朔方欲度
 幕北九月以鄧鴻馮緄朱徽任尙合四萬人討之前後凡斬萬七千餘級逢
 侯遂率衆出塞漢兵不能追而還（後元初中逢侯窮蹙降漢漢處之潁川
 〇師子死單于長之子檀立永初三年漢人韓琮隨匈奴南單于入朝既還
 說南單于云關東水潦人民飢餓盡死可擊也單于信其言遂反合烏桓鮮

車入寇五原漢以大司農何熙行車騎將軍事申郎將龐雄爲副將五營及
邊郡兵及遼東太守耿種率鮮卑及諸郡兵共擊之單于見諸軍並進大怖
乃遣使乞降許之安帝延光三年檀死弟拔立順帝永建三年拔死弟休利
立永和五年休利以不能制下爲漢所責自殺秋匈奴立句龍王車紐爲單
于東引烏桓西收羌戎及諸胡大人爲寇漢兵出擊破之斬句龍王車紐兜
樓儲單于先在京師漢安二年天子臨軒自冊立之遣申郎將持節護送單
于歸南庭靈帝和光二年申郎將張修與單于呼徵不相能擅殺之詔以修
抵罪而立右賢王羌渠爲單于中平五年各部反攻殺羌渠子於扶羅立國
人畔之共立須卜骨都侯爲單于於扶羅將詣關自訟會靈帝崩天下大亂
單于將數千騎與白波賊合寇河內都郡失利欲歸國人不受乃止河東獻
帝興平二年於扶羅死弟呼厨泉立爲單于呼厨泉自以其先祖與漢約爲
兄弟遂冒姓劉氏至孫淵遂爲五胡之一

蒲奴立單于既失南方之衆仍居單于庭然自顧衰弱不自安建武二十七年遣使求和親光武不許二十八年復求和西域諸國朝見光武仍不許而賜之甚厚永平八年再求和親顯宗許之而南匈奴不自安欲畔密令北匈奴以兵逼之漢乃始遣使通使以中郎將爲度遠將軍屯五原曼柏（今蒙古喀爾喀多爾濟河西岸）以防二虜交通北匈奴由是復爲寇鈔永平十六年大發兵討之至涿邪山（在今土蘭圖澤地）是時北匈奴衰耗南部攻其南丁零繼其後鮮卑聚其左西域侵其右不復自立乃遠引而去章和元年鮮卑入左地（卽匈奴東方之地）擊北匈奴大破之斬優留單于取其皮而還優留既死國人立單于異母兄右賢王爲單于永元初爲耿种所破逃亡不知所在其弟右谷蠡王於除鞬自立爲單于止蒲類海（今羅布淖爾）遣使款塞漢立爲北單于卽授璽綬玉劍使中郎將衛護如南單于永元五年畔還北自是遂不可知案西書言晉時匈奴西徙其遁過底拉稱霸

於歐洲其卽北匈奴之苗裔歟

第十七節 西域之大略

西域以孝武時始通（西域二字始於史記其義凡起玉門陽關直抵歐洲統謂西域非僅指今新疆之地也）爲漢校尉所屬者（漢所置統領西域官名宣帝時改曰都護元帝時又置戊己二校尉都護掌兵駐烏壘城其始獨護南道至神爵三年乃兼護北道始曰都護校尉掌屯田）三十六國後稍分至五十餘其地在匈奴之西烏孫之南（今伊犁之地）西羌之北（今西藏青海）卽今所謂新疆南路也南北有大山（北爲天山南爲新疆西藏間之諸山）中央有河（今塔里木河）東西六千餘里其人或城郭或游牧不一種孝武以前蓋屬役於匈奴匈奴呼衍王領其地置僮僕校尉其種族素弱從古不能獨立不及胡與羌之强悍孝武欲伐匈奴乃先開西域以斷匈奴與西羌相通之道於是西域諸國終漢之世皆服屬於中國兩

漢書述三十六國以外之諸大國形勢頗詳今特舉其大略而以今地證之如下

南道諸國 出陽關（在今甘肅敦煌縣治西南關已久廢）自近者始（漢書敘述之法先自蔥嶺東南漸至蔥嶺西南循蔥嶺西轉北而東自西北以至東北而終焉）曰犂鞬國（其地今已淪爲戈壁）隨畜逐水草不固作西北曰樓蘭國（地今已淪爲戈壁）地沙鹵少田寄田仰穀旁國民隨畜牧逐水草與犂鞬同地當漢人達西方大道西行七百里至末且（地今已淪爲戈壁）自末且以往皆城郭之國西南曰小宛再西曰精絕南行四日至戎盧再西曰扞彌扞彌南曰渠勒（以上諸國地今並淪爲戈壁）扞彌西行三百九十里至於闐（今新疆和闐）又西行三百八十里至皮山（今葉爾羌之東南和闐之西）又西南經烏秬國（今英屬巴達克山地）烏秬北爲西夜國王號子合王（此卽雙立君也地在今噶勒察回之博

洛爾部南境（西夜種與西域各國異類羌氏行國隨畜逐水草往來西與蒲犁接蒲犁（在今英吉沙爾葉爾羌之間）之西曰依耐（今英吉沙爾界中）又西曰無雷（今俄屬西布魯特部落中）凡蒲犁依耐無雷三國皆與西夜同種行國也北曰難兜國（今英屬拔達克山西境）此爲漢屬之至西境其西大月氏矣

北道諸國 大宛國（今俄屬敖罕）與安息同俗以蒲桃爲酒富人藏酒至萬餘石至數十年不敗漢人因窺始得蒲桃貴女子女子所言丈夫乃決正其人皆深目多須髭桃桃國休循國（地皆無考當是蔥嶺麓之小國）民因畜隨水草故塞種也（塞種卽佛書之刹帝利種今謂閃彌斯種）其東曰捐毒國（今俄屬西布魯特地）亦塞種也其東南曰莎車（今莎車）莎車西少北曰疏勒（今喀什噶爾）西當大月氏大宛康居大道再東曰尉預（今烏什）其俗隨水草再東曰姑墨（今阿克蘇）再東曰溫宿

(今溫宿)再東曰龜茲(今庫車)再東曰烏壘城(今庫車東南)都護所治也東曰渠犂城(今庫車與喀刺沙爾間)其東曰尉犂國(今喀刺沙爾)其北曰危類國(今喀刺沙爾之南)再北曰焉耆(今喀刺沙爾之東)焉耆西北曰烏貪薩離國(此車師後國所分)其東曰卑陸國(姑師所分)又其東曰卑陸後國(姑師所分)郁立師國桓單國(並在今烏魯木齊)再西南曰蒲類國(今吐魯番之北姑師所分)更西曰蒲類後國(蒲類所分)西且彌國東且彌國(今呼圖壁河至馬納斯河一帶姑師所分)蒲類北曰劫國(今在戈壁)又北曰狐胡國(今闐展西百二十里)其東南曰龜山國(今羅布淖爾之北)其東曰車師前國(今吐魯番廣安城西二十里姑師所分)其西北曰車師後王國(車師所分)車師都尉國(廣安城東七十里車師所分)車師後城長國(今奇台縣之北車師所分)以上皆爲漢之屬國漢西域都護駐烏壘城各國

皆徧置吏焉

葱嶺外諸國 漢所屬之國界雖盡此而漢時風教所通則其迹甚遠孝武時張騫自烏孫（今伊犁境古游牧國）大宛至康居國（今新疆北境俄國領土）由康居至大月氏（月氏本在陽關外游牧族也爲匈奴冒頓單于所逐西徙至大夏境擊大夏而臣之大夏希臘種也國於今阿富汗之北鹽海之南自是月氏爲大國號大月氏至後漢南領印度）在大夏見印竹杖及蜀布問安得此曰吾賈人往市之身毒國（今之印度）身毒在大夏東南知其去蜀不遠矣乃謀出蜀求身毒不得通然漢因是開西南夷窺又開大夏之西南曰罽賓曰烏弋山離（皆今波斯東境）地皆溫和出珠璣珊瑚虎魄璧流離以金銀爲錢烏弋山離西與犂軒（舊說以爲古羅馬殆非也）條支接（今波斯西南臨波斯灣處）行可百餘日可至條支北轉而爲安息（古波斯之阿薩朝今波斯東北境）再北曰奄蔡（今俄屬高